



Scuele

XII ZORNADE DE SCUOLE FURLANE

Il sium di Zuandomeni: viaç poetic te Udin dai Tiepolo

SABIDE AI 5 DI AVRÎL

Des 9.00 aes 4.00 dopomisdì • Palaç Mantica, vie Manin 18 a Udin

La Societât Filologjiche Furlane e à di pôc publicât un gnûf libri illustrât pai fruts de golaine di valorizazion dal nestri teritori. Il libri al è in cinc lenghis (talian, furlan, todesc, inglêš e sloven), la storie e je stade scrite di **Giovanna Zordan** e i dissens a son di **Barbara Jelenkovich**. Dopo Tarvis, Cividât e Aquilee, cheste volte lis autoris nus menin ator pe citât di **Udin** intun moment une vore interessant di un pont di viste artistic: o sin tal Sietcent e il protagonist de conte al è Zuandomeni, il fi piçul dal pitôr Zuanbatiste Tiepolo.

Ancje nô pe XII zornade de scuele furlane o fasarìn un viaç tal timp e tai lûcs de Udin dal Sietcent par lâ a scuvierzi lis maraveis lassadis in citât dai Tiepolo, pari e fi. O cognossarìn lis autoris dal libri, o impararìn cemût doprâlu in classe e cemût interpretâ il cîl a la maniere di Zuanbatiste Tiepolo.

9.00-9.30: registrazion dai participants e salûts des autoritâts

9.30-10.45: incuintri cun Barbara Jelenkovich e Giovanna Zordan par scuvierzi insiemil il gnûf libri

Giandomenico sogna | Il sium di Zuandomeni
Giandomenicos Traum | Giandomenico's Dream

10.45-11.00: polse caffè cui dolçs preferîts di Zuandomeni

A chest pont il grup dai insegnants iscrits a la XII zornade de scuele furlane al vignarà dividût in doi: un grup al larà ator pal prin turni di visite dai lûcs dai Tiepolo, un altri grup al restarà in Palaç Mantica par fâ un laboratori artistic. Tal dopomisdì i doi grups si scambiaran par fâ lis stessis esperiencis.

11.00-13.00: visite vuidade
"Su lis olmis dai Tiepolo ator par Udin"
(prin grup)

laboratori artistic "Il cîl dal Tiepolo"
cun Barbara Jelenkovich
(secont grup)

13.00-14.00: polse pal gustâ (ghiringhel in Filologjiche)

14.00-16.00: visite vuidade
"Su lis olmis dai Tiepolo ator par Udin"
(secont grup)

laboratori artistic "Il cîl dal Tiepolo"
cun Barbara Jelenkovich
(prin grup)

Ai participants al vignarà dât un atestât di **formazion par 6 oris** daûr des Liniis Vuide MIUR 170/2016.

Par cuistions organizativis a saran dome 50 puecj disponibii. Si à di iscrivisi dentri di joibe ai 3 di Avrîl sul nestri sît www.scuelefurlane.it.

La iscrizion e je valide dome se us rive la nestre conferme.

La iniziative e je a gratis.

DOCUSCUELE - Centri regionâl di documentazion ricercje e sperimentazion didattiche pe scuele furlane

info@scuelefurlane.it | 0432 501598 (int. 5)

*Giandomenico
Sogna*

